



Inatsisartunut ilaasortamut  
Aqqalu C. Jerimiassenimut  
Atassut

**Siusinaartumik pensionisiallit piginnaanngorsaaqqinneqartarnerat pillugu § 37  
naapertorlugu apeqqummut nr. 166-2020-mut akissut.**

Asasara Aqqalu C. Jerimiassen

Apeqqutinnut qujanaq. Apeqqutit ataani uteqqinneqarput akissummillu  
kinguneqartinneqarlutik.

08-10-2020  
Suliaq nr. 2020-17266  
All. id. 15061108

Postboks 260  
3900 Nuuk  
Oqa. (+299) 34 50 00  
Nassitsigasuaat(+299) 34 66 66  
E-mail: iian@nanoq.gl  
www.naalakkersuisut.gl

**1. Naalakkersuisut siusinaartumik  
sulisinnaajunnaarnersiaqartunut  
sulisinnaanngorsaaqqinnerminni aningaasat qanoq  
annertutigisut maannakkumut atorpaat?**

Suliffeqarnermut Naalakkersuisoqarfik tullinnguuttunik ilisimatitsissuteqarpoq:

*“Piginnaanngorsaanernut sunulluunniit aningaasartuutit kommuninit  
aningaasartuutigineqartarput, kommunillu aningaasartuutaasa affaat namminersorlutik  
oqartussanit utertinneqartarput. Piginnaanngorsaanernut aningaasartuutit ataatsimut  
naatsorsorneqartarput, taamaammallu sivirusumik suliffeqarsimangitsut, sivirusumik  
napparsimasimasut imaluunniit siusinaartumik pensionisiaqarnissamut  
naliliiffigeqqinneqarnissamut qinnuteqartut piginnaanngorsarneqartarnerat immikkut  
naatsorsorneqarsimangillat.*

*2016-ip kingorna Aningaasanut Inatsimmi piginnaanngorsarnermut tullinnguuttut  
immikkoortinneqartarsimapput:*

<b>Nalunaarsuiffik 1: Aningaasanut Inatsimmi ukiumoortumik aningaasaliissutit</b>	
2016	8.786.000 kr.
2017	10.110.000 kr.
2018	10.781.000 kr.
2019	10.781.000 kr.
2020	10.781.000 kr.

*Innuttaasup piginnaanngorsarneqannginnerani innuttaasut ataasiakkaat qulaajaanermik  
ingerlatsivigineqassapput. Kommunini qulaajaanermik ineriartortitsinissamut*

qulaajaanissanillu ingerlatsisoqarnissaanut sulisunik amerlanerusunik atorfinitsisinissamat immikkut ittumik tapersiisoqarpoq:

<b>Nalunaarsuiffik 2: Sulisussanut amerlanerusunut immikkut tapiineq</b>	
2017-imi	2.253.000 kr.-it
2018-imi	4.505.000 kr.-it
2019-imi	6.348.000 kr.-it
2020-mi	7.577.000 kr.-it

## **2. Naalackersuisut siusinaartumik sulisinnaajunnaarnersiuteqartut sulisinnaangorsarnerannut angusaq maannakkumut qanoq nalilersinnaavaat?**

Suliffeqarnermut Naalackersuisoqarfik tullinnguuttunik ilisimatitsissuteqarpoq:

*“Siusinaartumik pensionisiaqalernissamat qinnuteqartut, siusinaartumik pensionisiallit nalilersuiffigineqaqqittut kiisalu sivisuumik suliffeqarsimangitsut il. il. pillugit piffissami 2016-imiit 2018-imut kommunit ilitersuinermik kajumissaarinermillu ingerlatsisarnerat pillugu 2019-imi marsimi nalilersuisoqarpoq. Naliliinermi nalunaarusiami kisitsisit kommuninit pissarsiarineqarsimapput.*

*2016-imiit 2018-imut inuit 294-it sulisinnaassutsimik qulaajarneqarnissaa pillugu ilitersuinermik kajumissaarinermillu ingerlatsinernik aallartitsisimapput, taakkunannga inuit 201-it naammassinnissimapput. Nalunaarsuiffik 3-mi ilitersuinermik kajumissaarinermillu ingerlatsinerni peqataasimasut tamarmik ilaatinneqarmata erseqqissaatigineqassaaq. Taamaattumik tassani pineqartut siusinaartumik pensionisiaqartuinnaangillat imaluunniit siusinaartumik pensionisiaqarnissamik qinnuteqartuinnaanatik.”*

Tamatuma kingorna 1.2. 2019-imi killiffitsik pillugu kommunit ima ilisimatitsipput:

<b>Nalunaarsuiffik 3: Sulisinnaassutsip qulaajarneqarnissaa pillugu ilitersuinermik kajumissaarinermillu ingerlatsinerit.</b>	
Siusinaartumik pensionisiaqarneq pigiinnarneqarpoq	Inuit 31-it
Siusinaartumik pensionisiaqarnissamik angusisut imaluunniit utaqqsut	Inuit 16-it
Piginnaangorsarneqarnissamik utaqqsut	Inuit 9-t
Piginnaangorsartut imaluunniit sulinerimik misiliisut	Inuit 47-t
Sulilersut	Inuit 13-it
Meeqqat atuarfiannit soraarummeernissamat piginnaangorsartut imaluunniit allatut pikkorissartut	Inuit 11-t
Nuussimasut	Inuit 5-t
Suliffeeruteqqissimasut	Inuit 25-t
Allat (katsorsarneqarnissamik utaqqsut il.il.)	Inuit 12-t
Unittut	Inuit 9-t
Kommunitit nalunaarsuinerimik amigaataasut	Inuit 23-t
Peqataasut naammassinnissimasut amerlassusaat	Inuit 201-it

Inuit eqimattakkuutaartut sulisinnaassutsimik qulaajaavigineqartussat peqqissutsimik saniatigut pingaarutilinnik ajornartorsiuteqartut naliliinermiit nalunaarusiap takutippaa. Siusinaartumik pensionisiallit amerlasuut suliffeqarfeqarfimmut uteqqinnissartik kissaatigalugu oqaatigisimavaat. Naak siusinaartumik pensionisialinni amerlasuuni suliffeqaleqqinnissamik kissaateqartoqaraluartoq, oqartussaasoqarfiit assigiinngitsunik suliallit akornanni suleqatigiinnikkut inuit ataasiakkaarlugit angusassamillu toraagaqarluni suliniuteqarfiginissaat pisariaqassaaq. Siusinaartumik pensionisiallit ilaasa piffissaq tamaat imaluunniit piffissap ilaannaani suliffeqarfeqarfimmut pinissaminnut piareernissaannut taamatut suliniuteqarfiginissaat pisariaqarpoq.

Piginnaangorsareernerup kingorna siusinaartumik pensionisiallit suliffeqarfeqarfimmut uteqqissimasut amerlassusaat pillugit kommunit ilaat paasissutissiisimangillat. 2019-imi inuit 61-it siusinaartumik pensionisiaqalersimasut Avannaata Kommuniata ilisimatitsissutigaa. Inuit 7 siusinaartumik pensionisiaqarnermiit piginnaangorsarneqarnek aqutigalugu suliffeqarfeqarfimmut utersimapput. Naak suliffeqarfeqarfimmut uteqqissinnaasut uteqqikkusuttullu ikiorniarlugit kommunip ukkassilluni sullissimagaluarai, kisitsit taanna assut annikippoq.

*“Ajoraluartumik ullumikkut kisitsisaatigineqartut kommuninuit allanit pissarsiarineqarsinnaasimangillat, taamaattorli ataatsimut isigalugu nunap sinnerani tamanna aamma takuneqarsinnaassasoq naatsorsuutigineqarpoq.”*

Nunatta immikkut avinngarusimasuunerata kinguneraa illoqarfinni ingammillu nunaqarfinni suliffissanik pissarsiniarnermik ajornakusoortitsineq. Taamaammat sumiiffinni innuttaasumik sulinermik misiliisitsineq piginnaangorsaanerlu annertuumik unammilligassaqarfiusarpoq.

#### **a. Naatsorsuutigisatut innerpa annikinnerunerluniluunniit?**

Amerlanerusut sulilernissaat, aamma taamaalillutik inuit eqimattakkuutaartut taakku inuunermi atugaasa pitsanngorsaavigineqarnissaat, piginnaangorsaasarnermi siunertarineqarpoq.

Suliffeqarnermut Naalakkersuisoqarfik tullinnguuttunik ilisimatitsissuteqarpoq:

*“Siusinaartumik pensionisiallit piginnaangorsarneqarnerat pillugu innuttaasup, suliffeqarfiit kommuninilu ingerlatsiviit assigiinngitsut marluk, suliffeqarnermut kiisalu isumaginninnermut ingerlatsiviit akornanni suleqatigiinnissamik piumasaqaateqarfiuvoq. Amerlanertigut peqqinnissaqarfik, taassumalu ataani immikkoortoqarfiit aamma ilanngunneqartarput. Siusinaartumik pensionisiaqarnermut tunngatillugu qinnuteqartarnerit nalilersueqqinnerillu kommunit isumaginninnermik ingerlatsiviit suliarineqartarput, suliffinnik misiliinerit piginnaangorsaanerlu kommunit Majoriaqarfiini suliarineqartarlutik.*

*Apeqqummut 2-mut akissut innersuussutigalugu, massakkut siusinaartumik pensionisiallit siusinnerusukkullu siusinaartumik pensionisiaqarsimasut allarpassuarnik unammilligassaqartarput. Ajornartorsiutit peqqissutsimut tunngasut kisiisa pissutigalugit innutaasoq siusinaartumik pensionisiaqartinneqarnek ajorpoq. Innuttaasup siusinaartumik pensionisiaqalernerata kingorna ikiorsiissutinik naleqquttunik,*

*tapersiinernik katsorsarneqarnissamillu neqerooruteqartoqanngippat, ajornartorsiutit nammineerlutik aaqqinnaviannnginnerat nassuerutigissavarput. Innuttaaqatitta siusinaartumik pensionisiaqartut amerlasuut suliffeqarfeqarfimmu uteqqinnginnerminni isumassorneqarneq, tapersersorneqarneq naammagittassuseqarnerlu pisariaqartippaat.”*

### **3. Naalackersuisut konto 30.12.09 kommuninut tamaat nuunnissaannut 2022 nallerpat ilumut kommunit taanna tamaat nammassinnaaneraat eqqanaarsimanerpaat?**

Siusinaartumik pensionisiallit pillugit suliat kommunit naammassisinnaagaat Naalackersuisut naatsorsuutigaat tatigalugulu. Ullumikkut siusinaartumik pensionisiaqartitsineq kommunit aqullugulu suliarisarpaat, kommunillu tamassuminnga suliaqarneq aarlerinangitsumik ingerlakkaat pingaarnertut oqaatigisariaavoq. Kommunit aningaasartuutaasa 50%-iini Kalaallit Nunaanni Namminersorlutik Oqartussat utertitsisarput.

Siusinaartumik pensionisiallit aamma maannakkut siusinaartumik pensionisiaqartut kingusinnerusukkullu siusinaartumik pensionisiaqalersussat misilerarneqartarnerat kommunit ukiuni arlaqalersuni suliarisimavaat. Kommunit unammilligassaqartarsimapput, kisianni massakkut iluaqutigisinnaasaminnik misilittagaqalersimallutik.

Naalackersuisut kommunini unammilligassat - siusinaartumik soraarnerussutisianut pisortaniillu ikiorsiissutinut tunngatillugu - eqqumaffigaat aaqqissusseqqinnermilu ilaatinneqarlutik, innuttaasunut iliuuseqarluni qanoq suliffeqarfeqarfimmiilersinnaanerinut periarfissat pillugit suliniutaasut pitsanngorsarneqassallutik, ilaatigut kommunini suliaassarfiit assigiinngitsut akornanni suleqatigiilluarnerunikkut.

Inussiarnersumik inuulluaqqusillunga



Martha Abelsen